



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Conseqventibvs Pertexens, Quae post beatum S. Xauerij
Obitum Soc. Patres ad Dei gloriam in iisdem Prouinciis gessere

Bartoli, Daniello

Lvgdvni, 1667

1. Gagus Alcacea & sylua in lapone appellunt.

urn:nbn:de:hbz:466:1-11445



ASIATICÆ HISTORIÆ SOCIETATIS IESV.

LIBER OCTAVVS.

I.
Gagus
Alcaceua
& sylua
in Iapone
appellunt.

Nterea temporis Christianus in Iaponia grex quem anno 1555. discedens Xauerius, tenuem adhuc reliquerat, crevit lento accessu fidelium, & pastorum; sed qui excellentia virtutis, eximiè pensaret numeri sui parcitatem. Raro enim centeni (ut saepe in India) baptismo tingebantur; sed qui semel Christo fidem obstrinxerant, perstabant in ea ita immobiles, tantis earn animis propugnabant, ut teste Xauerio; quot erant pace Christiani, tot essent bello futuri martyres, si quis bellum mouisset tyrannus. Sedenim prudenti coniectura cernebat vir sanctus subiugatis Christo Sinensibus, secuturos vltro exemplum Iapones, trahendosque aude auctoritatis illorum pondere quos reuerebantur suorum magistros sacrorum certissimos; erat alioqui retro curas versurus; & Meaco Iaponum metropoli progressus, regna illorum octo & septuaginta, Euangelij semente daturus. Ergo deliberata ut diximus expeditione ad conuersionem Sinensis imperij, tres sibi substituit, viros strenuissimæ operæ, Baltazarem Gagum sacerdotem, cum Odoardo Sylua, & Petro Alcaceua quos Malaca in Iaponiam misit: ij cum primo appulsi venissent Cangoximam, octiduo post applicuere Bungum, quinto Idus Septembbris anno 1552. iusitata Rex benevolentia accepit adeuntes, & quæ à Prorege Alfonso Noronia munera obtulere. Nec diu latuie eorum aduentus P. Collum Turrianum, Amanguccio Ioannem Fernandum statim misit qui suo nomine illos salutaret. Fuerant Turrianus & Fernandes Xauerio, ex India in Iaponiam comites, iisque profecturus Christianitatem illam cuius ipse miserat fundamenta, promouendā mandarat, quod curauit uterque gnauiter, parentis optimi spiritu, vitam eorum, & operam vberim animante. Post hæc Baltazar Regem Fernande interprete conuenit, causamque explicuit cur esset ab eo illuc destinatus; eiusque nomine rogauit,

rogauit, eadem se vellet dignari facultate, quam Amanguccij eius frater Cosmo amplissimam fecerat erudiendi populos ad salutem, diuinæ legis promulgatione. Audito Rex Xauerij nomine, quem intimè amabat, celeriter adeò petenti annuit, vt nocte eadem vrbe tota, præconis voce edici mandaret, se cujus suorum impertiri suscipienda legis Christianæ liberam potestatem; ac ne quis auderet Patribus nocere, Bonzius, nobilis, plebeius, & gradus demum cuiuscumque is foret, aut iis obstatre in lege promulganda quæ sanctos efficeret (sic illam nominabat) addebatque animo infixum penitus hærere quem ei Xauerius discedens indiderat ardorem videndi suas non modo ditiones, sed omnem omnino Iaponiam veritatis splendore coruscantem, quam Patres haud-quaquam occiduo ex orbe, sed cœlo ex ipso in Orientem attulissent. Verum Gago satins visum est lentè festinare nec se Bonziorum contentionibus ante committere, quām à Turriano viro sapiente, & longa docto experientia resciisset, quem sibi modum in re Christi gerenda suaderet, tutiusque censeret ac felicius processurum: quare Bango cum socijs Amanguccium est profectus, quod iter leucarum quinquaginta ut secu-rius conficeret, familiari aulico Rex pro singulari sua benevolentia deducendum, & custodiendum creditit.

Censebat Ecclesia Amangucciensis Christianos vix plures bis mille; angusto fateor numero inter familiarum undecim millia, ex quibus, ciuitas constabat; sed eos tam solidæ fidei, & hæroicæ virtutis, vt videre se Gagus putaret cœnobitas non abstrætos modo à rebus caducis; sed magni animi comparatione, pro Christo mori promptos, & cupidos; quin & sibi, suisque iam mortuos; & à parentum (si auitis adhuc ritibus inhæsissent) fratrumpque consuetudine alienos, vt si nulla inter se communione sanguinis, & naturæ vinculo necterentur. E contrario nobiles cum plebeis tam arctè iunxerant nodi mutuæ caritatis, vt domus vii germanos vno patre prognatos diceres. Erant in iis ex aula non pauci, & quod in feroci & superba gente prodigiosum est, ad pia misericordiæ, & humilitatis officia, tam proni & alacres vt ea sibi honori ducerent. Ter quaterue in mense dabant pauperibus epulum, stu-dio quidem leuandæ illorum egestatis, sed multo propensijs ministerio in eos vili se abiiciendi: conueniebant ad Patres quotidie, quām multis domus capere poterat, vt aliquid de diuinis audirent, interdum con-ciones; subinde sibi à Xauerio scripta, & tradita, de rebus fidei, de Christo, de orbe condito, & sex illius ab Adamo ad redemptorem æta-tibus: Sub que ad genua Cosmo accidentes, post difficultates conscién-tæ distincè illi expositas, referebat quisque ab illo præsidia quibus aduersus illas se muniret, ac si queni noscent Christianum à recto, & bo-no exerrare, ex eo scitabantur qui possent in viam errantem reuocare. Pridie festorum solennium noctes cum Patribus orando audiendisque de Deo sermonibus vigilabant. Verba quoque ad ethnicos, nec frustra faciebant; maximè nobiles, quorum auctoritas magni ponderis apud

2.
Status Ec-clesiae A-manguccij.

plebem,